



59653

III

Mag. St. Dr.

kal.komp.

Clonta.

Teol. 4436.

Oratio de eligendo Praelato Provinciae in Comi-
tibus Provincialibus SS. ord. Beatiss. Virg. & Mar.
de monte Carmelo habita. 1690. 17 Junii.

Biblioteka Jagiellońska



stdr0001643

IGNEUS^{or}
DIVIELIÆ
GLADIVS.

Cuncta Sacræ Religioni nociua am-
putans exurensq;



Siue

ORATIO

De Eligendo Prælato Prouinciæ
in

COMITIIS
PROVINCIALIBVS.

FF. Ord: Beatissimæ Virginis MA-
RIÆ de Mon: Carmelo.

HABITA,

A

Fr. BENEDICTO KLAVS,
Philosop: Studiofo, in Conuentu Lidenfi,
PP. eiusdem Ord: h.

Anno Verbi Incarnati, 1690. die 17. Mense Iunio.

CRAC: Typis NICOLAI ALEXANDRI SCHEDEL S. R. M. Ord: Typ:

SACRATISSIMÆ

T R I A D I S

TEMPLO, OMNIPOTENTIS DEI

Dignissimæ Genitrici, Virginalis puritatis fū-

mæ integritati, Angelorum ac Hominum

augustissimæ Dominatrici, Carmelitarūq;

pijssimæ Matri Sorori ac Reginae

M A R I Æ,

Nec non

Eius Speciali ac deuoto Clienti

PERILLVSTRI ac REVERENDISSIMO DOMINO,

D. IOANNI STANISLAO

D O S D.

Canonico Varfauienſi Naruenſi ac Babenſi

Præposito. &c. &c.



Iſſi elogiū TIBI Mater pulchræ
dilectionis, Creaturas omnes ſu-
pergreſſæ moliri audacia ſit; gra-
titudinis tamen eſt augurium no-
ſtrum felici euentu coronatum adſcribere ita ut
deliberationi non ſit locus. Nefas eſt ambige-
re cordine ſit TIBI Religio Eliæ? quam natā
vsq; ad delicias adamasti protexiſti adoleſcentē
foues adultam. Arenæ tuæ in hoc Craci cam-
po Lidijs nobis pretioſiores ſunt, quæ merano-
bis ex

bis ex TE mari Gratiarū Profundunt gaudia,
& vbi sterilis natura esse solet ibi sic fecundat
gratia ut nihil viribus naturæ debeatur omnia
gratuito largiendo. Etiamnū hac quā (con-
sensu SS. Patrum) in temporales Diuini Spi-
ritus processiones autoritate polles, Præsidē
nobis prouidisti, qui scitē frenis & calcaribus
uteretur TIBI itaq; Optimæ spei Mater omen
hoc auspicatū, rudi licet stylo, animo nihilomi-
nus in Tuis obsequijs exulto dedicamus.
Æquum quoq; est haberi TIBI gratiam PER-
ILLVSTRIS & REVERENDISSIME DOMINE, quos
humilitate TVA prouocasti in audaciā vt No-
mini Virginis, sua offerrent præfagia. Ambi-
ebat studiosissimē, obligatissima multis titulis
Nomini TVO pagina manus eruditas, hinc la-
boris sui reportatura solamen quod à TE in-
ter Doctos Nobilissimo acceptaretur, ast recu-
savit modestia, Virtus ratum habuit consecratā
Illi à quā Nomen Humanum inclaruit. Sed
neq; sic TVO Nomini non litatum cum Ma-
riæ Honori.

Cuius & ego loco maneo

Deuinctissimum mancipium

Fr. BENEDICTVS KLAUS Carmelita.

ORA-



ORATIO.



Allor an verus hostilis tubæ aures mihi verberat clangor, prorsus ignoro Adm. RR. PP. Ferale Tritonis classicum, solusne perstrepere audio, an etiam VESTRA idem sonitus percellit pectora? Hostiles ne instant phalanges, an solum fabulosa in obtutum meum veniunt Cadmi agmina? Falli me sane vanisq; hostilium cateruarum imaginibus ludi ac illudi censeo, quando in hoc amabili Venerandoq; Confessu VESTRO nihil hostile conspicio. Exulat à præsentī acie sagum, solaq; Toga Venerandas contegens Curules, non lethali myrtho, feraliq; cupresso, sed paciferæ oliuæ totum hoc adumbravit adornavitq; amphitheatrum. Singulos nostrum, quotquot in hanc aciem descendimus, si vel Ithaca Ulijsis industria, versutiaq; exploraret, singulos armorum expertes, rixarum vacuos, stratagemmatum immunes, singulos Religiosos, singulos belli osores, amabilisq; pacis ac tranquillitatis amatores perlustraret. Clamamus in momenta, supplicibusq; cælos, Arbitrumq; Cæli celebramus Votis; *Nulla salus bello pacem te poscimus omnes.* Vanam proinde concepisse videor chymeram, quando martiale quoddam Classicum ad pectora nostra allidi me subaudisse existimaui. Cauete tamen Adm: RR. PP. cauete sæpè Viridi latet anguis in herba, & altæ immersos paci, incautum silentium perdidit Amyclæos. Nihil est in sublunari Orbe undiq; felix, aut undiq; tutum, quoue *minimè reris gurgite piscis erit* Nondum lyncæas adhibeo pupillas, nondum Centoculum æmulo Ar-

gum, & iam hîc etiam centuriatas nostrorum hostium cer-
no instare Cateruas. Hostes nostri sunt, quicunq; Sanctæ
fidei, quicunq; sacro Diui Patriarchæ nostri instituto re-
fragantur. Millenas talium cohortes, densisq; agminibus
refertas copias quis non videt? Ad debellandam eam ho-
stilitatem publica hodie Comitæ indixistis, iamq; rebus pri-
us quam Verbis declarastis, non ingratum VOBIS fore, si
spirituales de tanto hoste Manubias ferre, incruentâq; tro-
phæa possitis obtinere. Ergo ego fretus venerandâ præ-
sentiâ & Authoritate VESTRA primus hostem perlustra-
re tentabo, simulq; demonstrare conabor, tali nobis con-
tra eos hostes Antesignano opus esse, qui ignitum Diui Pa-
tris & Patriarchæ nostri gladium ritè moderari ac oppor-
tunè contra hostes promere possit,

Non calorum sed heroum spartam ingressus, Tuam ô
dexterrime Princeps & Patrone noster D. Elia imploro gra-
tiam, integritas & honor, quem hodie contra nefandos Ec-
clesiæ DEI hostes asseuerare intendimus, Tuus est, quia
DEI est: pro DEI honore nos certaturos, armis & gene-
rositate animi stipare non grauare. Igneus Tibi gladius
est, hunc nostris interim hærerè manibus, Herculesq; ac Io-
baos simul repræsentare patiari, vt renascentia hostilis Hy-
dræ capita, tuo ferro amputare, tuoq; igne rite exurere po-
ssimus. Pacatis luctuosam hanc catastrophem oculis pro-
spicite quæso Adm. RR PP. Tranquillos VOS in hac
acie cupio esse spectatores, & solis fauoralibus benignæ at-
tentionis Votis iuuari animum posco.

Non multos perspicax Orbis tam cæca obrutos caligi-
nè aduertit tenebriones, qui proportionatam armandis hu-
meris suis debellandisq; hostibus supellectilem non adhi-
buisent. Ligonem contra Phæbum assumere, aut ba-
listis de cælo Lucinam detrudere velle stultorum conatus
est. Speculum obyciat basilisco, & ignaro rerum verita-
tem opponat, qui triumphare cupit. Margo unguis suf-
ficit contra culicem sed Elephas nec a toto corruit pugno.
Vna Pygmæum prosternt globa, Enceladum vix integra
inuertit Ethna, Corruit sub cespite pusio, Atlantem nec

totus

totus opprimit Olympus. Verbo loquar ad debellandos Magnos & potentes hostes, magnis armis expeditoq; exercitu, expeditissimo Ductore opus est. Creberrimis, ne dicam quotidianis totus Orbis hoc ediscit & fatetur experientijs, meliorem esse exercitum ceruorum Duce Leone, quam Leonum ceruo ductore. Non suffecerê olim reficiendis Asiatici Xerxeis fluuij copijs, trucidandis pauca Achiuorum agmina suffecêre, quando bono Duce præliares manus cōferuere. Corruit cum millenis Darius cateruis, quando ad magnanimum Alexandri pectus distortas Vires suas allisit. Sanè omnis vis quantumuis maxima, expers boni consilij expers experti Ducis moleruit sua: exiles è contra manus & copiae, non exiles sed copiosas ferunt Manubias, si bonis & armis & Antesignano stipatae. Hostium nostrorum magnitudinem ac multitudinem priusquam in præsentem amussim reducerem, cunctos Arithmeticorum calculos transcendere. Non tot hybla frutices, non tot pontus atenas, quot Ecclesia Sancta, quot cum illa & sacra Religio Nostra numerat & experitur hostes.

Taceo Othomanicæ frequentiae potentiâ, relinquo gentilium infideliumq; multitudinem ac ferociam; præmitto Schismaticorum copiam, & pertinaciam, non commemoro quorumuis acatholicorum abundantiam & tumiditatē, ipsius demum Erebi malesanam cohortē nec nomino: quanto enim hi toti Ecclesiae communiore sunt, tanto leuiore. Surgit palma aduersus onera: Ecclesia aduersus horum omnium insultus, exultans erigitur, triumphat, eleuatur. Corruent prius inferi portae, quam aduersus eam præualebunt. Prius iuga Montis aper, fluuiosq; piscis amare cessabit imò prius opaca tellus situ suo exturbabit caelos, quam præfati hostes Ecclesiae DEI nocebunt. Communes nobis cum Sancta Ecclesia isti hostes, eo minus graues, quò communibus armis perimuntur. Sed enim nondum omnes hostium euasimus turmas, nondum prorsus in tuto constitim⁹ aruo. Est nobis & alius hostis, sunt & alia sacro Ordini Nostrò stratagemmata.

En magno aceruo, multisq; phalagibus stipata irruit scelerum

lestorum inuidia, quæ sacrum Diui Patris nostri institutum si non tollere, saltem deprimere molitur. En inſtat acerba perfidorum perſecutio, quæ virentem Religionis noſtræ florem auernalibus concoquere ſatagit Aquilonibus. En ſuccedit tumida maleuolorū pertinacia, quæ in ſcirpo integritatis noſtræ nodum procaciter quærens, etiam Pelasgas artes, Trapeſitarumq; æmulatur verſutiam, modo noſtram contaminet innocentiam. Potens nimirū potens hostis eſt, tantoq; terribilior quanto vicinior. Huic tanto tam atroci tamq; Vehementi hoſti, quis exercitus, quænam arma, quinam Ductor reſiſtat & ſufficiat, non immaturæ opus de liberationis. Exercitus quidem modicam repræſentando phalangem, nos numerus ſumus, & bella hæc ſacra peragere nati atq; parati. Nos quos communia Venerabilium in Chriſto Patrum Fratrumq; noſtrorum vota ad præſentem aciem deſtinauêre ac direxêre, irruentibus hiſce periculis, hiſce bellis obuiam venire, manus conſerere & reſiſtere opus eſt. Nolite timere paruulus grex, & congregata in Domino Cohors. Certamina VESTRA tantò glorioſiora, tanto magis triumphalia ſunt futura, quanto flagrantioribus Amabilium & Venerabilium in Chriſto Fratrum noſtrorum, eiaculatorijs ſuper ipſa ſydera leuantur & promouentur Votis. Arma noſtra præ oculis, præ manibus ſunt, imò intra nos ſunt. Igneus Diui Patris Noſtri gladius noſter eſt, ad noſq; planè hæreditariâ ſucceſſione deuolutus. Thaumaturga illius Virtus non priùs hoſtes cōvincere, & Orbem miraculis implere ceſſabit, quam nouiſſimum DEI hoſtem Antichriſtum debellabit.

Ferrea durities aciesq; eius ipſis noricis enſibus acutior, etiam Gordijs pertinacis malitiæ nodis obſtricta corda diſcindere, ludiloco habet. Flamma illius magnoq; impetu rutilans ignis, quem frigidiffimum Dauidem non accendet? Cælo quondam ablatum ignem, in terrasq; demiſſum, non remiſſis Luit pænis Prometheus: Diuiſſimus Patriarcha noſter non fabuloſum ſed verum ignem, fauentiori ſupremi Numinis calculo, palam de cælo tulit non abſtulit vt corda Vniuerſorum ad feruenter pro Diuinis aris zelandum

zelandum & exardescendum succendat. Ignem venit mittere & quid vult nisi ut ardeat? Ardet, ardet non factus hic sed sacer ignis, & toto mundo in dies magis magisque dilatur. Sit quantumvis ignauissimus, sit sub frigidissimo polo, sub ipsoque arcturo enatus ac educatus Thersites, sit ipsa salamandra gelidioris conscientiae, ac ne una quidem sacrae fidei scintilla calefactus mox Zelus eius altioribus quam Nabuchodonosori fornax pro DEI honore ignibus rutilabit, dummodo saltem non refragariam bona voluntatis suae cariem ad scintillantem Diui nostri eiusque Clientum zelum ac feruorem ad moueat. Quidquid Sanctitatis Europa, quidquid innocentiae Africa, quidquid Luminis habet America, totum Asiae totum Carmelo totum Eliae ad scribere debet. Carmelus prima est, quae anachoretica Vitae puritate illuxit. In reliquis quantumvis laudatissimis eremitorijs ac Conuentibus quidquid splendet, ab hac face lucem sumpsisse non diffitetur. Helias teste Chrysologo factus est Magisterium Vitae, sanctitatis forma, norma iustitiae, Virginitatis speculum, pudicitiae titulus castitatis exemplum. Helias promeruisse videtur ut pretiosissima illa concha Sacratissimam contegens Margaretam Domus inquam Nazarethana Sanctissimam DEI Matrem iustinens tertio non nisi Lapide a Carmelo distaret. Non decebat quippe alibi Matrem puritatis commorari, quam ubi multis ante haec clustis, purissimo omni pietate feruentis Eliae igne, cuncta impura exusta fuerent. Misit renouata haec Sacratissima Virgo complacentiae suae in Diuo Patre nostro, Filiisque ac Clientibus eius dogmata, quando illud quod pretiosissimum in suo repetit gazophilacio non alteri quam nostro Ordini fouendum commisit. Scapulare intelligo, & Sabbathinum dicere volo priuilegium, cuius rei pretium non commendare tantum sed digne commemorare; nec mea lingua praesumit, nec una dies comprehendere finit. Toto aeuo narrabitur decus, quo nos Patremque nostrum Sacratissima Maria cohonestauit. Iactet Helizeus transfusam in se cum pallio Eliae potentiam; patret admiranda in Asiatico Orbe prodigia: Maiora nobis Diuus Pater reliquit & conseruauit, quando nos Sacro Scapularis pallio per

Matrem hanc Beatissimam contegi impetrauit. Frigere aut lacerum præseferre Irum nemo potest, quisquis hoc sacro Vestimento redimitur. Ardentibus purgatorij flammis vix attingitur, qui dignè hoc paludamēto inuoluitur. Sustinuit olim pro libitu & immisit imbrem Elias cum voluit: extraordinarium hoc priuilegiū eius iam in ordinariam Supremi Numinis gratiam gratiosissime degenerauit, quando omnibꝫ Scapulari palliatis, primo post Obitū Sabbatho à Vehementibus purgatorij ignibus æternum refrigerium concessit. Mare hoc gratiarum Diuinissima MARIA totam se in amabiles Eliæ Sacræqꝫ Familæ eius Manus tradidisse visa est, quando tantam cælestium charismatum copiam tantam ineffabilium donorum hyperbolen indulxit. Cōquiescentem in paradiso Eliam, rursumqꝫ ad compescendas immundi mundi insolentias venturum non diffiterer, nisi etiam hætenus toto Orbe grassantem admirarer. Nulla res ferè quantumuis curiosissima quæuis Optica cum hominibus inueniet plagam, quæ amabilibus ignei huius gladij non esset lauciata plagis. Plagiarium hunc Prophetā non abs re dixerim, sed eum, qui etiam nullius frugis de humana stirpe stolones aufert ac surripit, vt in parādiso æternæ Voluptatis pullulatuos transplātet. O quot nefandæ stirpes inordinatis innumerabilium delictorū ardoribus exsiccatæ, ac omni Virtutum succo destitutæ, iam iam æterno gehennæ igni comburendæ parabantur, nisi surculi earum hoc gratioso gladio excisi debitum eis melioris Vitæ vigorem imbibere permisissent. Stertebant sexcenti inqꝫ detestando Vitiorum cæno, instar porcorum volutabantur donec hac Sacra Heliani Zeli flamma adurerentur. Cymmerijs perfidiæ ac gentilismi tenebris caligabant, priusquam lumine eius illustrarentur, clarisqꝫ Sanctæ Fidei dogmatis, ope ac exemplo Eliæ illuminarētur. Mirabilis sane gladius in quo plura cælitum dona quam in Amalthææ cornu fauentes superi recondiderē. Pandoram iactent fabulæ, multiplicibꝫ singulorum Ditum Muneribus ditatam, ego in vno ignito Diui Eliæ gladio totum reperio, totum veneror, quidquid felicissimum Cælites terricolis impertire possint. Durus

es & ob-

es & obdurata conscientia tua nullis remediorum balistis expugnari potest, Eliana vitæ constantia, Eliano exemplo demollieris. Mollis es, & cunctis infernalium tempestatū ac suggestionum procellis arundineam inflectis subdisq; cervicem, huius gladij chalybe, huius nempe Diui immutabili Sanctitatis normā exemplariq; tuas teneritudines poteris consolidare, in stabilemq; Metamorphosim transformare. Frigidus es & nefandus tua obledit pectora torpor, vix vno anhelabis suspirio, & iam te hic ignitus, ut vis calefaciet Ensis. Exardescis & ad vana quæque flagrantibus æstuas concupiscentijs, ignem igne extinguere non raro ipsa motus vehementia solet. Tantis præditum ensen attributis, intra VOS habetis Admodū Reuerendi Patres. Nihil suum negavit VOBIS Pater, qui se ipsum VOBIS tradidit. Heroicum hoc instrumentum omnes quidem attingimus, at Vibrandum illi soli relinquitur qui sacro huius Diui instituto, gregi inquam Carmelitico præficitur. Hostem in acie arma præ manibus conspiciamus Vnicum restat, Dux nobis & Author opus est, qui sacrum hunc Gladium igne honoris Diuini flagrantem eā quā decet agilitate atq; arte gestiat geratque.

Grauis nimium grauis hic ensis est, sed quem igneus candidæ charitatis ardor subleuare non desinit. Ferrum baiulandū est, sed quod pretiosissimo omnis obrisi Valori præstat. Ignem attrectare oportet, sed qui non absq; continuo miraculo, speciali q; Diuinæ gratiæ influxu solos procaces exurit, reliquis Diuinos acceptantibus Fauonios, Erhesiarū loco est. Onus Officiū q; Ducis ac Prælati nostri dicere volo, quod graue licet nimisq; laboriosū sit, attamen sursum tendere charitatis flamma alleuiatur. *Magna quidem sublimitas.* (ut Ambrosianæ Sapientiæ fluentum indicat) magnam debet habere cautelam, honor grandis grandiori debet sollicitudine circumuallari, & cui plus creditur, plus ab eo exigitur; sed strenuum laborem copiosa merces repēdit, & debitam solertiam æterna pensat corona. Opus naturæ (si Sacra Nomini Virum percipimus) non dignitatem, laborem non delicias, non crescere fastigio

sed humilitate decreſcere, ut fiat ſeruus & Miniſter hominū propter Chriſtum, ut intermiſſa Rachelis decorā facie, intret ad Liam oculis lippam de monte cum Moyſe deſcendat ad campōs, id eſt de otio contemplationis ad Laborem actionis. Tanta debet eſſe conuerſatio eius & eruditio, ut omnes motus & grefſus, & vniuerſa eius opera notabilia ſint. Veritatem mente concipiat, & eam toto habitu reſonet & ornatu, ut quidquid agit quidquid loquitur, doctrina ſit populorū. *Talis* (monēte Diuo Gregorio) debet eſſe diſpēſatio regiminis, ut is qui præeſt, eā ſe circa ſubditos curā moderetur, quaten⁹ arridens timeri debeat & iratus amari, ut eum nec nimia Lætitia vilem reddat, aut immoderata ſeueritas odioſum. Miſcenda eſt lenitas ſeueritati, faciendū quoddam ex vtroq; temperamentum, ut neq; multa aſperitate exulcerentur ſubditi, neq; nimia benignitate ſoluantur. Subtiliſſima ars viuendi eſt culmen tenere, gloriā reprimere, eſſe quidem in potentia, ſed potentem ſe eſſe nescire: ad largiendā dona potentem ſe agnoſcere, ad repetendā noxia, omne quod potenter valet ignorare. Quisquis populi ſpeculator ponitur in alto debet ſtare per vitam, ut poſſit prodeſſe per prouidentiam. Male ſe rectum putet, qui regulam ſummæ rectitudinis ignorat; Non debet hominum Ducatū ſuſcipere, qui nescit Homines bene Viuendo præire, ne qui ad hoc eligitur, ut aliorum culpas corrigat, quæ & reſecare debuit, ipſe committat. Locus regiminis dum regendus offertur, in ſe prius neceſſe eſt, ut quiſq; diſcutiat, ſi loco vita congruit, ſi ab onere actio diſſentiat, ne iuſtus omnium rector, eo poſt in tribulatione preces non audiat, quo ipſa quoque eius de quo tribulatio oritur, exordia honoris ignorat. Illi præ cæteris DEVM ſublimem videre merentur, qui fidelibus gregibus præeſſe ſoliciti ſunt, & dum ipſi pie ſuper gregem vigilant, Diuina ſuper eos gratia largius coruſcat. Uſus rectæ conuerſationis eſt, ut præeſſe non audeat, qui ſubēſſe non didicit nec obedientiam ſubiectis imperet, quam Prælatiſ non nouit exhibere. Qui adhuc impugnantiū certamina vitiorum per conſenſum delectationis tolerant, aliorum curam ſuſcipere non præſumant, quum verò tentationum bella


num bella iam subegerint, quoniam apud se de intimâ tranquillitate securi sunt, custodiâ sortiantur animarum. Pê-
fandum valde est ad culmen regiminis quisq; qualiter ve-
niat, atq; ad hoc rite perueniens qualiter viuat, & bene viuês
qualiter doceat, & recte docens infirmitatem suam quotidie
cognoscat, ne aut humilitas accessum fugiat, aut peruentio-
ni vita contradicat, aut vitam doctrina destituat, aut doctri-
nam præsumpcio extollat. Virtutibus pollens coactus ad
regimē veniat, Virtutibus vacuus nec coactus accedat. Tā-
to enim debet populi actionem actio transcendere Præsu-
lis, quanto distare solet à grege vita Pastoris: Misisti ma-
num ad aratrum (moneo cum mellifluo Authore) opus est
fortitudinis & constantiæ: Speculator factus es, opus est
prudentiæ: Debitor es sapientibus & insipientibus, opus
est Iustitiæ: prædicare debes, opus est temperantiæ. In
alto posito non altum sapere difficile est, & omnino inusita-
tum, sed quanto inusitatus tanto gloriosius. Si rebus ra-
ritas pretium facit, nil in Ecclesia pretiosius, Nihil optabili-
us bono Pastore. Multo consilio (clamat Chrysologus) &
prudentiâ opus est Pastori, & mille ut dicitur oculis ad spe-
culandam vndiq; hebetudinem earum quas gubernat ani-
marum. *Novi* (inquit idem) non paucos idoneos sui-
met fuisse rectores, multum in abstinentiâ & ieiunijs la bo-
rantes, quibus quàm diu licuit esse priuatos, & nihil aliud
curare, quàm propria, & DEO placebant, & in dies non-
modica incrementa capiebant; at vbi in populo prodierūt,
& multorum imperitias emendare necesse fuit, aliqui inter
exordia tantum sustinere pondus non potuerunt officij; qui
verò tolerare coacti sunt, perdentes constantiam & seueri-
tatem priorem, & sibi intulerunt magna dispendia, & nihil
alijs profuerunt. Quanto quisque in superiori constitutus
est loco, tanto (aurea Isidori refero Verba) in maiori ver-
satur periculo: & quanto splendoris honore celsior quisq;
est, tanto si delinquat peccator maior est. Tantum tam
graue, tam atrox Prælati officium sustinere quis non abhor-
reat? tantum Ducatus gladium baiulare ac moderari quis
non recuset? sed macte animo Viri Religiosissimi. Si de-

sint vires tamen est laudanda voluntas. Si desit sufficiens
baiulandi huius gladii potentia suppleat industria. Qui E-
piscopatum *desiderat* (teste gentium Doctore) bonum opus
desiderat qui prælaturam, DEI honorem aucturus suscipit,
opus tota æternitate pensandum suscipit. Abusus hono-
ris non honos timendus est, secus enim qui Virtutibus pol-
lens gregem DEI renuit pascere, summum Pastorem argu-
itur non amare. Attolite iam Adm. RR. Patres ardentia
cælum versus Vota; exprimate feruentia ad superos suspiria;
classicum hosti animum cuncti buccinate Ducem militiæ
cælitus destinatum exposcite. Hostem præ oculis, arma præ
manibus conspiciatis. Caternas composuimus, ad arma pa-
rati sumus, Dux nobis tantum & Author opus est. Vtinam
licitum esset diuturniora sub eo, sub quo hætenus Duce,
nostram continuare militiam, vtinam infracta eius vigilan-
tia, amplius nostros dignetur moderari genios? Feliciores
Fabij hætenus sub Fabio feliciter militauimus & Patrem po-
tius Filij colebamus, quam milites Ducem.

Sed tandem cum tempus adest equum spumantia sol-
uere colla, cum tempus adest diuturno labore fessos eius hu-
meris prægrauem deponere Olympum, quis nobis tribu-
et? ut tanto Atlanti felix succedat Ajax? quis tribuet? ut ta-
to Miltiadi similem fas sit reperire Themistoclem? quis tri-
buet? ut huic Herculi suppare inuestigemus Theseum? Tri-
buet ille, qui cuncta tribuere potest, supremus bonorum lar-
gitor DEVS.

Illi illi solum pecus nostrorum immolemus hecatom-
ben votorum, illum flagrantibus sollicitemus desiderijs, illi
ardentia pectora deuocamus, & procul dubio fiet ut igni-
tus hic gerenda Prælaturæ gladius ijs obtingat manibus, quæ
acceptabilem DEO honorem augere, hosti cladem parare,
Orthodoxi solatium providere atq; demum Sacræ Religi-
oni desiderabiles manubias poterunt proferre.

D I X I.



20. II 46.

ns
E-
us
it
no-
ol-
gu-
tia
ia
ria
ora
pa-
ina
ce,
an-
res
po-

fol-
hu-
bu-
tta-
tri-
Tri-
lar-

om-
illi
gni-
quæ
are
ligi-

111
112
113
114
115
116

